

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

**Коми Республикаса канму гражданскöй служба, Коми Республикаын муниципальнöй служба, Коми Республикаса канму торъя чинъясын уджалысь йöзлы канму гарантияс збыльмöдан юалöмьяс серти Коми Республикаса öткымын оланпасö вежсьöмьяс пыртöм йылысь**

Примитöма Коми Республикаса  
Каналан Сöветөн

2021 вося урасьöм тöлысь 18 лунö

**1 статья.** Пыртны «Коми Республикаса канму гражданскöй службалөн öткымын юалöм йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2005, 10 №, 4045 ст.; 2006, 2 №, 4206 ст.; 2007, 1 №, 4671 ст.; 2008, 5 №, 204 ст.; 11 №, 601 ст.; 12 №, 721 ст.; 2009, 7 №, 83 ст.; 16 №, 260 ст.; 34 №, 644 ст.; 2010, 5 №, 64 ст.; 10 №, 191 ст.; 195 ст.; 17 №, 385 ст.; 37 №, 865 ст.; 2011, 36 №, 915 ст.; 48 №, 1370 ст.; 2012, 34 №, 782 ст.; 51 №, 1162 ст.; 70 №, 1801 ст.; 71 №, 1843 ст.; 2013, 5 №, 106 ст.; 37 №, 709 ст.; 2014, 9 №, 105 ст.; 13 №, 194 ст.; 33 №, 675 ст.; 35 №, 723 ст.; 2015, 8 №, 96 ст.; 21 №, 273 ст.; 297 ст.; 26 №, 356 ст.; 2016, 4 №, 43 ст.; 44 ст.; 17 №, 234 ст.; 18 №, 248 ст.; 2017, 9 №, 139 ст.; 24 №, 421 ст.; 2018, 6 №, 101 ст.; 2019, 5 №, 68 ст.; 18 №, 267 ст.; 2020, 22 №, 364 ст.) татшöм вежсьöмьяс:

1. 1<sup>1</sup> статьяын:

1) 2 юкöнын:

а) 11 пункт гижны тадзи:

«11) урчитö Коми Республикаса гражданскöй служащöйяслы да гражданылы, кодьясöс вештисны Коми Республикаса канму гражданскöй службаысь награда сетöм либö ошкöм бöрын, öтчыдысь ошкöм мынтан мындасö, пöрадоксö да условиеяссö;»;

б) 14 пункт гижны тадзи:

«14) урчитö Коми Республикаса канму гражданскöй служба сöвмöдöм вылö веськöдöм экспериментьяс котыртан пöрадоксö да найöс нуöдöм дорö корöмьяссö;»;

2) 3 юкөнса 1 пункт гижны тадзи:

«1) индö Коми Республикаса канму гражданскöй служба сöвмöдан подув нырвизьяссö, урчитöм пöрадокын дасьтö да вынсьöдö Коми Республикаса канму уджтасьяс;».

2. 10 статьяын 6 юкөнса медводдза абзац гижны тадзи:

«6. Сэк, кор урчитöма Россия Федерацияса оланпастэчасөн, Коми Республикаса гражданскöй служащöйöс сьöмөн видзöм дорö урчитöны районнöй коэффицент.».

3. 12 статьяын 1 юкөнса 1 пунктын «шойччанінөдз кыв» кольны «шойччанінөдз» кывйөн.

4. 13 статья гижны таdzi:

### **«13 статья. Коми Республикаса гражданскöй службаысь ошкөмьяс да наградаяс**

1. Коми Республикаса зэв бур да окталуна гражданскöй службаысь сетöны татшöм сикас ошкөмьяс да наградаяс:

- 1) öтчыдысь ошкөм мынтöмөн аттьöалöм;
- 2) öтчыдысь ошкөм мынтöмөн либö дона козин сетöмөн Коми Республикаса канму органлысь почёт грамота сетöм;
- 3) Коми Республикаса канму органлөн мукöд сикас ошкөм да награда;
- 4) уна во уджалöмысь канму пенсия вылö петöмкöд йитöдын öтчыдысь ошкөмсö мынтöм;
- 5) Россия Федерацияса Вескöдлан котырлөн ошкөм;
- 6) Россия Федерацияса Президентлөн ошкөм;
- 7) Россия Федерацияса канму наградаяс сетöм;
- 8) Коми Республикаса канму наградаяс сетöм;
- 9) «Коми Республикаын наградаяс да ошкөмьяс йылысь» Коми Республикаса Оланпас серти мукöд награда да ошкөм сетöм.

2. Тайö статьялөн 1 юкөнса 1 – 4 пунктьяс серти Коми Республикаса гражданскöй служащöйöс ошкөм либö награда сетöм йылысь помшуöмыс примитсьö медалысьöс петкöдлысьөн, тайö статьялөн 1 юкөнса 5 – 7 пунктьяс серти Коми Республикаса гражданскöй служащöйöс ошкөм либö награда сетöм йылысь помшуöмыс примитсьö медалысьöс петкöдлысьлөн представление серти Россия Федерацияса оланпастэчасөн урчитöм пöрадокын, тайö статьялөн 1 юкөнса 8 да 9 пунктьяс серти Коми Республикаса гражданскöй служащöйöс ошкөм либö награда сетöм йылысь помшуöмыс примитсьö медалысьöс петкöдлысьлөн представление серти Коми Республикаса оланпастэчасөн урчитöм пöрадокын.

3. Коми Республикаса гражданскöй служащöйлы мынтöны öтчыдысь ошкөмсö либö сетöны дона козинсö, кутшöмьясöс урчитöма тайö статьялөн 1 юкөнса 1 – 3 пунктьясөн, пöрадокын да мындаын, кутшöмьясöс вынсьöдöма медалысьöс петкöдлысьөн Коми Республикаса гражданскöй служащöйяслы уджысь мынтысян урчитöм фонд мындаын.

4. Тайö статьялөн 1 юкөнса 1 – 4 пунктьяс серти ошкөм либö награда сетöм йылысь помшуöмьясыс оформитсьöны Коми Республикаса канму органлөн инöда актөн, тайö статьялөн 1 юкөнса 5 – 7 пунктьяс серти – Россия Федерацияса инöда актьясөн, тайö статьялөн 1 юкөнса 8 да 9 пунктьяс серти – Коми Республикаса инöда актьясөн. Ошкөм либö

награда сетом йылысь лөсялана гижодсö пыртöны Коми Республикаса гражданскöй служащöйлöн личнöй делö да удж йылысь сылöн небöгö (эм кö).

5. Коми Республикаса гражданскöй служащöйяслы, а сідзжö гражданалы, кодъясöс вештісны Коми Республикаса гражданскöй службаысь награда сетом либö ошкөм бöрын тайö статьялöн 2 юкөн серти, Россия Федерацияса канму наградаяс либö Россия Федерацияса Президентöн, Россия Федерацияса Вєськөдлан котырöн ошкөм, Коми Республикаса канму наградаяс либö мукөд награда да ошкөм сетігөн «Коми Республикаын наградаяс да ошкөмъяс йылысь» Коми Республикаса Оланпас серти, мынтöны öтчыдысь ошкөм Коми Республикаса гражданскöй служащöйяслы уджысь мынтысян фондысь сьöм тшöт вєсьтö.

6. Сэк, кор пöгибнитöма (кувсьöма) Коми Республикаса гражданскöй служащöй либö кувсьöма тайö статьяса 5 юкөнн индöм гражданин, кодъяслы сетöма Россия Федерацияса канму награда либö ошкöма Россия Федерацияса Президентöн, Россия Федерацияса Вєськөдлан котырöн, Коми Республикаса канму наградаясöн либö мукөд наградаөн да ошкөмөн «Коми Республикаын наградаяс да ошкөмъяс йылысь» Коми Республикаса Оланпас серти, а сідзжö сэк, кор Россия Федерацияса канму наградасö, Коми Республикаса канму наградасö сетöма кувсьöм бöрас, öтчыдысь ошкөмсö мынтöны Коми Республикаса гражданскöй служащöйлöн либö гражданинлöн семьяö пырысьяслы. Татшöм случайясын öтчыдысь ошкөмсö мынтöны квайт тöлысья кадколаст колян лунсянь öти тöлысь мысти оз сёрджык, мый дыра чöж Коми Республикаса пöгибнитöм (кувсьöм) гражданскöй служащöйлöн либö кувсьöм гражданинлöн семьяö пырысьяс вермöны шыödчыны Коми Республикаса канму органö, кöні индöм мортыс уджаліс чинын, öтчыдысь ошкөмсö мынтöмла.

Та дырйи индöм кадколастыс лыддысьö Коми Республикаса татшöм гражданскöй служащöйöс либö гражданинöс награда сетом либö ошкөм йылысь Россия Федерацияса, Коми Республикаса инöда акт йöзöдан лунсянь. Сэк, кор öтчыдысь ошкөмла, кутшöмöс эз босьт Коми Республикаса индöм гражданскöй служащöй либö гражданин пöгибнитöмкөд (кувсьöмкөд) йитöдын, шыödчöны семьяö некымын пырысь, ошкан мындасö юкöны семьяö пырысьяс костын öтмындаөн.

7. Семьяö пырысьясöн, кодъяслöн эм öтчыдысь ошкөм босьтöм вылö инöд, кутшöмöс урчитöма тайö статьяса 5 да 6 юкөнъясöн, лыддысьöны:

1) гöтыр (верöс), коді вöлі ськөд гижсьöма Коми Республикаса гражданскöй служащöйлöн пöгибнитан (кувсян) либö гражданинлöн кувсян лун вылö, кодöс вештöма Коми Республикаса гражданскöй служба вылысь;

2) Коми Республикаса гражданскöй служащöйлöн либö гражданинлöн бать-мам, кодöс вештöма Коми Республикаса гражданскöй служба вылысь;

3) Коми Республикаса гражданскöй служащöйлöн либö гражданинлöн челядь, кодöс вештöма Коми Республикаса гражданскöй служба вылысь;

4) йöз, кодъяс вöліны иждивение вылын Коми Республикаса пöгибнитöм (кувсьöм) гражданскöй служащöйлöн либö кувсьöм гражданинлöн, кодöс вештöма Коми Республикаса гражданскöй служба вылысь.

8. Коми Республикаса Юралысь урчитö Коми Республикаса гражданскöй служащöйяслы либö гражданылы, кодъясöс вештісны Коми Республикаса гражданскöй службаысь награда сетöм либö ошкöм бöрын, öтчыдысь ошкöм мынтан мындасö, пöрадоксö да условиеяссö.».

5. 15 статья гижны тадзи:

**«15 статья. Коми Республикаса гражданскöй служба сöвмöдöм**

1. Коми Республикаса гражданскöй службасö сöвмöдöны сійöс сöвмöдан подув нырвизьяс серти, кутшöмьясöс урчитöны Коми Республикаса нормативнöй инöда актъясöн, да (либö) Коми Республикаса канму уджтасьяс серти да федеральнöй канму гражданскöй служба сöвмöдан подув нырвизьяссö тöд вылö босьтöмöн, кутшöмьясöс урчитöма Россия Федерацияса Президентöн.

2. Коми Республикаса гражданскöй служба котыртан да Коми Республикаса гражданскöй служащöйяслысь уджсö могмöдан выль ногъясöн вöдитчöм серти экспериментъяссö позьö нуöдны Коми Республикаса канму органын, сылöн ашшöр тэчас юкöдулын либö мутас органын либö öткымын Коми Республикаса канму органын (водзö – эксперимент).

3. Эксперимент нуöдан период вылö, но öти воысь оз дырджык, вермöны вежны Коми Республикаса гражданскöй служащöйяслöн – экспериментын участвуйтысьяслöн служебнöй контрактлысь условиеяссö. Та дырйи служебнöй контрактлысь условиеяссö вежöны Россия Федерацияса оланпастэчасöн урчитöм пöрадокын да сы вöсна оз вермы чинны Коми Республикаса гражданскöй служащöйöс – экспериментын участвуйтысьöс сьöмöн видзан мындаыс эксперимент заводитчöм кезлö сійöс сьöмöн видзöм серти, а сідзжö оз вермыны вуджöдны Коми Республикаса тайö гражданскöй служащöйöс эксперимент заводитчöм кезлö уджалан чин серти ичöтджык чинö.

4. Коми Республикаса Юралысь урчитö Коми Республикаса гражданскöй служба сöвмöдöм вылö веськöдöм экспериментъяс котыртан пöрадоксö да найöс нуöдöм дорö корöмьяссö.».

6. Коми Республикаса канму гражданскöй служащöйяслы Коми

Республикаса канму гражданскöй службаса класснöй чиньяс сетан да видзан пöрадок, а сідзжö Коми Республикаса канму гражданскöй службаса класснöй чиньяслөн Коми Республикаса канму гражданскöй служба чиньяслы лöсялöм йылысь положениеын (Оланпас дорö содтöд):

25 пункт гижны тадзи:

«25. Класснöй чин сетöм йылысь гижöдсö пыртöны Коми Республикаса гражданскöй служащöйлөн личнöй делöö да удж йылысь сылөн небöгö (эм кö). Коми Республикаса гражданскöй служащöйлы класснöй чин сетöм йылысь юöрсö сідзжö пыртöны сылөн удж йылысь тöдмөгьясö.»

**2 статья.** Пыртны «Коми Республикаын муниципальнöй службалөн öткымын юалöм йылысь» Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2007, 12 №, 5357 ст.; 2008, 5 №, 212 ст.; 6 №, 281 ст.; 11 №, 624 ст.; 2009, 11 №, 172 ст.; 17 №, 281 ст.; 33 №, 608 ст.; 2010, 6 №, 88 ст.; 10 №, 186 ст.; 191 ст.; 44 №, 1030 ст.; 2011, 5 №, 83 ст.; 55 №, 1668 ст.; 1672 ст.; 2012, 34 №, 782 ст.; 51 №, 1168 ст.; 70 №, 1801 ст.; 2013, 18 №, 365 ст.; 32 №, 597 ст.; 2014, 9 №, 105 ст.; 27 №, 520 ст.; 33 №, 675 ст.; 35 №, 723 ст.; 2015, 8 №, 96 ст.; 21 №, 299 ст.; 2016, 7 №, 86 ст.; 17 №, 234 ст.; 18 №, 248 ст.; 20 №, 298 ст.; 21 №, 317 ст.; 2017, 8 №, 128 ст.; 9 №, 139 ст.; 27 №, 488 ст.; 2018, 6 №, 101 ст.; 19 №, 348 ст.; 353 ст.; 2019, 11 №, 155 ст.; 15 №, 223 ст.; 2020, 8 №, 116 ст.; 10 №, 142 ст.; 21 №, 344 ст.; 22 №, 364 ст.) татшöм вежсьöмьяс:

1. 10<sup>1</sup> статьялөн 7 юкөнса мöд абзацын «уджпас небöгын гижöдьяс подув вылын» кывьяс бöрын содтыны «да (либö) удж йылысь тöдмөгьяс подув вылын, кутшöмьясöс оформитöма оланпастэчасөн урчитöм пöрадокын,» кывьяс.

2. 11 статьяса 5 юкөннын «уджпас небöг» кывьяс бöрын содтыны «да (либö) удж йылысь тöдмөгьяс, кутшöмьясöс оформитöма оланпастэчасөн урчитöм пöрадокын» кывьяс.

3. Коми Республикаын муниципальнöй служба чиньясын уджалысь муниципальнöй служащöйяслы класснöй чиньяс сетан да видзан пöрадок йылысь положениеын (Оланпас дорö 5 содтöд):

22 пункт гижны тадзи:

«22. Класснöй чин сетöм йылысь гижöдсö пыртöны муниципальнöй служащöйлөн личнöй делöö да удж йылысь сылөн небöгö (эм кö). Муниципальнöй служащöйлы класснöй чин сетöм йылысь юöрсö сідзжö пыртöны сылөн удж йылысь тöдмөгьясö.»

4. Целевöя велöдчöм йылысь Коми Республикаын муниципальнöй службаын водзö уджавны кöсийсьöмөн сёрнитчöм кырымалан пöрадокын (Оланпас дорö 7 содтöд):

8 пунктса 4 пунктулын «уджпас небöглысь копиясö» кывьяс бöрын

содтыны «да (либӧ) удж йылысь тӧдмӧгъяссӧ, кутшӧмъясӧс оформитӧма оланпастэчасӧн урчитӧм пӧрадокын.»

**3 статья.** Пыртны «Депутатъясӧс, меставывса асвеськӧдлан бӧрйӧм органӧ пырысьясӧс, меставывса асвеськӧдлан бӧрйӧм чина йӧзӧс, кодъяс пӧртӧны олӧмӧ ассьыныс уджмогъяссӧ пыр подув вылын, пенсияӧн могмӧдӧм йылысь» Коми Республикаса Оланпаслӧн 3 статьяӧ (Коми Республикаса канму власьт органъяслӧн индӧд-тшӧктӧмъяс, 2008, 4 №, 124 ст.; 2009, 17 №, 286 ст.; 2010, 10 №, 191 ст.; 37 №, 855 ст.; 2011, 55 №, 1672 ст.; 2013, 32 №, 589 ст.; 2014, 35 №, 723 ст.; 2016, 1 №, 7 ст.; 10 №, 120 ст.; 21 №, 317 ст.; 2017, 27 №, 488 ст.; 2018, 19 №, 348 ст.; 2019, 21 №, 315 ст.) татшӧм вежсьӧм:

1 юкӧнса мӧд абзацын «уджпас небӧгын гижӧдъяс подув вылын» кывъяс бӧрын содтыны «да (либӧ) удж йылысь тӧдмӧгъяс подув вылын, кутшӧмъясӧс оформитӧма оланпастэчасӧн урчитӧм пӧрадокын.» кывъяс.

**4 статья.** Пыртны «Коми Республикаса торъя канму чиньясын уджалысь йӧзлы канмусянь гарантияс йылысь» Коми Республикаса Оланпаслӧн 7 статьяӧ (Коми Республикаса канму власьт органъяслӧн индӧд-тшӧктӧмъяс, 2006, 11 №, 4601 ст.; 2007, 1 №, 4658 ст.; 2008, 5 №, 205 ст.; 211 ст.; 9 №, 412 ст.; 11 №, 599 ст.; 2009, 7 №, 83 ст.; 11 №, 173 ст.; 17 №, 284 ст.; 21 №, 366 ст.; 2010, 5 №, 62 ст.; 24 №, 568 ст.; 569 ст.; 37 №, 840 ст.; 44 №, 1019 ст.; 2011, 5 №, 97 ст.; 14 №, 344 ст.; 47 №, 1337 ст.; 2012, 7 №, 173 ст.; 21 №, 470 ст.; 31 №, 694 ст.; 34 №, 781 ст.; 70 №, 1801 ст.; 2013, 11 №, 218 ст.; 17 №, 354 ст.; 37 №, 708 ст.; № 41, 800 ст.; 2014, 8 №, 97 ст.; 26 №, 492 ст.; 35 №, 723 ст.; 2015, 8 №, 89 ст.; 20 №, 249 ст.; 21 №, 271 ст.; 297 ст.; 2016, 1 №, 7 ст., 6 №, 78 ст.; 10 №, 120 ст.; 17 №, 234 ст.; 18 №, 248 ст.; 253 ст.; 21 №, 317 ст.; 2018, 6 №, 92 ст.; 19 №, 348 ст.; 366 ст.; 2019, 7 №, 87 ст.; 21 №, 315 ст.) татшӧм вежсьӧм:

4 юкӧнса мӧд абзацын «удж йылысь небӧгын гижӧдъяс подув вылын» кывъяс бӧрын содтыны «да (либӧ) удж йылысь тӧдмӧгъяс подув вылын, кутшӧмъясӧс оформитӧма оланпастэчасӧн урчитӧм пӧрадокын.» кывъяс.

**5 статья.** Пыртны «Коми Республикаса канму гражданскӧй служба чиньясын уджавлӧм йӧзӧс пенсияӧн могмӧдӧм йылысь» Коми Республикаса Оланпаслӧн 3 статьяӧ (Коми Республикаса канму власьт органъяслӧн индӧд-тшӧктӧмъяс, 2008, 5 №, 210 ст.; 11 №, 611 ст.; 2010, 10 №, 191 ст.; 44 №, 1021 ст.; 50 №, 1434 ст.; 2011, 55 №, 1672 ст.; 2012, 34 №, 782 ст.; 2013, 32 №, 589 ст.; 2014, 35 №, 723 ст.; 2015, 21 №, 297 ст.; 2016, 1 №, 7 ст.; 7 №, 86 ст.; 21 №, 317 ст.; 2017, 9 №, 139 ст.; 2018, 19 №, 348 ст.; 2020, 18 №, 290 ст.) татшӧм вежсьӧм:

1 юкӧнса 2 абзацын «уджпас небӧгын гижӧдъяс подув вылын» кывъяс бӧрын содтыны «да (либӧ) удж йылысь тӧдмӧгъяс подув вылын, кутшӧмъясӧс оформитӧма оланпастэчасӧн урчитӧм пӧрадокын,» кывъяс.

**6 статья.** Тайӧ Оланпасыс вынсялӧ сійӧс официальнойӧ йӧзӧдӧмсянь дас лун кольӧм мысти.

Коми Республикаса Юралысьлы, Коми Республикаса Веськӧдлан котырлы примитны тайӧ Оланпас збыльмӧдысь нормативной инӧда актъяс.

Коми Республикаса Юралысь

В.В. Уйба

Сыктывкар

2021 вося рака тӧлысь 2 лун

7-РЗ №